

پاکستان ۽ سياسي جاور بال

پاکستان اے وهداں باز نگیگیں جاور بالانی تم۽ انتیک نیمگے تہی جیڑہ ۽ جنجالانی دیمپان انت، آئی پئوج ۽ بازیں سیاسی پارٹیا نی میان ۽ پہ تاکت ۽ گرگ ۽ واستہ جنگ بوگ۽ انت ،تاں دومی نیمگ ۽ چہ میان اُستمانی مزنیں تاکتانی میان ۽ پاکستان۽ بازیں جیڑہ ۽ جنجال دیم۽ پیداک انت ، یک نیمگے چین انت کہ پاکستان۽ آئی۽ بازیں وامے پر ۽ آئی۽ روزانک (Economics) ۽ پدگ جوڑ بوتگ۔ چین پاکستان ۽ سر۽ زور دیگ۽ انت کہ وتی اوشتاتگیں مَراسا (project) آئی کاراں بندات بہ کنت۔ ۽ اے دمگ۽ چین۽ راہہ وتی تاکت ۽ گیش مہکم کنگ ۽ واستہ پاکستان۽ کمک ۽ مدت ۽ ودار انت۔

دومی نیمگ ۽ بلوچ زرمبشت ۽ نوکیں ترندی، مہلوکی کمک ۽ جنگ ۽ تہ۽ بازیں پالیسی آئی مٹی ۽ ترندی ۽ پہ پاکستانی سیکورٹی ۽ دری شرکتانی مَراسانی دیم۽ بازیں جنجال پیداک کتگ۔ چوشکہ نوں چین ۽ را پاکستان ۽ سر۽ بیسہ کنگ۽ نہ انت ، ہمیشکہ چین پاکستان۽ توک ۽ وتی سلامتی۽ لشکر۽ آرگ۽ موکل۽ لوٹگ ۽ انت کہ ما وتی سلامتی۽ زمہ داری۽ وت زوراین ، بلئے پاکستان چین ۽ اے لوٹ ۽ ہچ ڈول۽ پیلو نہ کنت۔ اے رنگ ۽ یکے وپاکستان ۽ تہ ۽ گس جنگی (Civil war) ۽ ترس پیداک بیت ۽ دومی بلوچ جہدکاراں چہ مزنیں تاکتانی نیمگ ۽ کمک رسگ ۽ گمان گیش بوت کن انت۔

ہمے رنگ ۽ ما گندایں کہ ہنوں پاکستانی پئوج ۽ میان ۽ وت ہم تہ ۽ توکی جنگ ۽ جیڑہ چست بوتگ انت، چہ یک مزنیں مدتے ۽ پد گندگ پیداک انت کہ پاکستانی پئوج ۽ جند۽ تہ ۽ مزنیں اہتلاپ پیداک بوتگ انت۔ یک نیمگے ۽ جنرل فیض انت ۽ دومی نیمگ ۽ جنرل باجوہ ۽ ٹولی انت جنرل فیض پی ٹی آئی ۽ مٹوگر ۽ گمکار انت ۽ جنرل باجوہ پی ڈی ایم (پاکستان ڈیموکریٹک موومنٹ) ۽ پشت پناہی ۽ کنگ ۽ انت۔ ۽ ہنوں پہ نوکیں پئوجی سَرمستر (Army chief) ۽ گچینی۽ ہاتر۽ ہم مزنیں اہتلاپ دیم۽ پیداک انت، اے تیوگیں جاوربال۽ پاکستان۽ سیاسی پاداری (Political stability) سرجم ۽ تباہ کتگ۔ ایشی۽ ہوار کرپشن ۽ کار نہ بوگ ۽ سوَب ۽ پاکستان ۽ نزوریں روزانک (economics) تباہ بوتگ کہ اے وهد۽ پاکستان وامانی سر۽ جُزگ ۽ انت۔ ہنوں کہ وهدے آئی ایم ایف ۽ پاکستان ۽ را پہ چیز۽ مُدت۽ واستہ وام۽ دیگ داشتگ گُڑا یکدم۽ پاکستانی روزانک (economics) تباہی ۽ نیمگ ۽ جُزگ ۽ انت ۽ بازیں سیاسی زانتکارانی گُشگ انت کہ اگاں پاکستان ۽ جاور دگہ دو، سئے ماہاں ہمے ڈول۽ بہ دار انت گُڑا پاکستان چو سری لنکا ۽ پرشت ۽ پروش۽ نیمگ۽ روت انت۔

اے وهد۽ پاکستان گیشا گیش جُہد کنگ ۽ انت کہ من چہ آئی ایم ایف ۽ کِر ۽ وام بہ زورآن، بلئے 2.17 بلین وام۽ لوٹ کہ چہ پاکستان نیمگ۽ کنگ بوتگ ، انگت آئی۽ لوٹ مَنگ نہ بوتگ ۽ آئی ایم ایف پاکستان ۽ چرے وام۽ دیگ ۽ پیسر دگہ سیمی ملک۽ پاکستان۽ زمہ واری زورگ۽ لوٹ۽ کنگ۽ انت۔ اے درگت ۽ سعودی عرب گُشگ بوتگ کہ آ اگاں دِلسدکی (Assurance) بہ دنت گُڑا پاکستان ۽ زوتاں وام دیگ بیت انت۔

اے جیڑہ ہوار پاکستانی پئوج تہ ۽ توکی جیڑہ ہم گیش بوان آنت، چوشکہ اُوکیں ماہ نومبر ۽ پاکستانی پئوج ۽ آستیں سر مستر جنرل قمر جاوید باجوہ وتی وهد ۽ سرجم کنت ۽ آئی ۽ جاہ ایک نوکیں پئوجی سرمستر (Army chief) یے گچین کنگ بیت۔ اے درگت ۽ سیاسی زانتکار ، اھوالکار ۽ نبشتہ کارانی گشگ انت کہ ہنوگیں پاکستان ۽ سیاسی عدم استحکامی ۽ بنیاتی سوب نوکیں پئوجی سر مستر ۽ گچین کنگ انت، چوشکہ گوستگیں ڈی جی آئی ایس آئی جنرل فیض ۽ سر ۽ پاکستان ۽ گیشترین سیاسی پارٹیاں بیسہ نہ کنت ۽ آ جنرل فیض ۽ عمران خان ۽ نزیکیں مردمے سرپد بنت ۔ جنرل فیض ہمے جنرل انت کہ پی ایم ایل (نواز) بزائکہ نواز شریف ۽ (ن) لیگ آئی ۽ را گوستگیں ووٹاں نواز شریف ۽ سرکار ۽ دور دیگ، آئی ۽ ہلاپ ۽ پندل سازگ، آئی ۽ زندانی کنائینگ ۽ عمران خان ۽ دیم ۽ آرگ ۽ زمہ دار سرپد بنت۔ انچو گشگ بیت کہ 2018 ۽ عمران خان ۽ را سرکار ۽ توک ۽ آرگ ۽ ووٹ ۽ توک ۽ کیل (Foul) کنگ ۽ جنرل فیض ۽ مزنیں دستے مان انت۔ 2014 ۽ عمران خان ۽ زہرسانی ۽ مچی آئی اڈ دیگ ۽ پُشت ۽ ہم ہمے مرد زانگ بیت انت، ہمیشکہ دومی سیاسی پارٹیاں اے ترس انت کہ اگاں پہ پئوج ۽ سر مستری ۽ دیم ۽ جنرل فیض بنیت انت گڑا آسانی واستہ دیمتر ۽ سیاست کنگ ۽ دوبر تاکت ۽ آہگ باز گران بیت، چے ۽ کہ پاکستانی پئوج پاکستانی سیاست ۽ سر ۽ باز سانمند انت۔

پاکستان ۽ آستیں سیاسی جاورہال ۽ یوکرین ۽ روس ۽ جنگ ۽ سوب ۽ گران نہادی انچو گیش بوتگ کہ پہ گریب ۽ زندگی بوگ ہم گران بوگ ۽ انت۔ پرائی ۽ دو وهد ۽ نان ۽ شوہازگ ہم گرانیں کارے جوڑ بوتگ، چہ ایشی ۽ کجام ہم وهد ۽ پاکستان ۽ توک ۽ سری لنکا ۽ پیمیں زہرسانی ، روانک ۽ مچی چست بوت کن آنت۔ تیل ۽ مردمی بنیاتی لوٹانی ساز ۽ سامانانی نہاد انچو گیش گران بوتگ کہ چہ لس مردم ۽ وس ۽ ڈن در اتکگ۔ ہمے رنگ ۽ ما گنداییں کہ آستیں وهد ۽ پاکستان ۽ یک ہم چوشیں ادارے پُشت نہ کپتگ کہ آئی ۽ سر ۽ پاکستان ۽ مہلوک بیسہ بہ کنت ، بگندے دراہیں ادارہ کسے نہ کسے ۽ دزچیر ۽ آنت۔ پہ کجام اوں استانے ۽ آمیدگس، پئوج ۽ عدلیہ (Army, judiciary ۽ Parliament) چہ درستان اہمترین ادارہ آنت، بلنے مروچی پاکستان ۽ تہ ۽ اے سئیں ادارہ اڑوکی (controversial) جوڑ بوتگ آنت ۽ لس مہلوک ۽ ایراد ۽ تہ ۽ آنت۔

اے جیڑہاں ہوار دومی نیمگ ۽ ہنوں سندھ ۽ تہ ۽ چہ پشتون ۽ سندھی آئی جنگ ۽ یک چیزے گندگ بوگ ۽ انت کہ پاکستان ۽ تہ ۽ گتھی اڑاند (Ethnic Conflict) آئی ہم چست بوگ ۽ گمان آست انت کہ پہ پاکستانی استان ۽ اُوکیں وهد ۽ اے باز مزنیں جیڑہ بوت کن آنت۔ ہمے ڈول ۽ پاکستان ۽ گوں سنے ملک انڈیا، ایران ۽ افغانستان ۽ سیمسرانی سر ۽ ہم جیڑہ است آنت ۽ اے وهد ۽ چرے سئیں ملکاں یکے اوں چہ پاکستان ۽ وش نہ انت۔ چہ افغانستانی سیمسر ۽ طالبان ۽ پاکستانی پئوج ۽ نیمگ ۽ جنگ ہم گندگ ۽ کیت انت۔ ایشاں ہوار پاکستان دگہ بازیں جیڑہ ۽ جنجالانی دیمپان انت۔ اے نبشتانک ۽ تہ ۽ جُہد کن این کہ آئی ۽ آستیں دراہیں سیاسی جیڑہ ۽ جنجالانی سر ۽ گپ ۽ گال ۽ آیاں سرپد بوگ ۽ جہد بہ کن این۔ تاکہ وتی دژمن ۽ آئی ۽ آستیں سیاسی جاور ۽ شر سرپد بہ ۽ این۔

پاکستان ۽ نگیگیں روزیگی جاور ہال

پاکستان ۽ روزیگی (economic) جاور ہالانی نوبت چہ اد ۽ زانگ بیت کہ پاکستان ۽ پئوج ۽ سرمستر واشنگٹن ۽ پون کنت ۽ آئی ایم ایف ۽ پروٹوکولا نی ہلاس کنگ ۽ واستہ کمک لوٹ

ایت، تاکہ آئی ایم ایف ۽ پروگرام زوٹا زوت دیگ بہ بیت ۽ پاکستان ۽ روزانک (economics) وتی پاداں کمے داشت کت بہ کنت۔ چہ پاکستانی پئوج ۽ سرمستر نیمگ ۽ چوشیں پون (Call) سعودی عرب ۽ دبئی ۽ را ہم کنگ بوتگ آنت۔ پاکستان ۽ دری وام ۽ آیانی دیگ (External Dept & Payments) سوب ۽ ملک ۽ زر ۽ مٹ ۽ سٹ ۽ امبار (Exchange Reserves) چہ نُہ بلین ۽ اوں کم بوتگ آنت (اے پاکستان ۽ شس ہپتگانی در رستگیں (Imports) زر آنت۔) دومی نیمگ ۽ پاکستان ۽ استانی وام (Sovereign dept) چہ 250 بلین ۽ برز بوتگ - چہ روزانکی ڈیفالٹ ۽ ترس ۽ یک مزنیں کساسے ۽ ڈن ۽ مردم چہ بینکاں وتی ڈالراں کشگ ۽ آنت کہ اے پہ روزانک (economics) ۽ واستہ گیش مزنیں تاوانے۔ ۽ اؤکیں پنچ سالانی تہ ۽ پاکستان ۽ استانی وامانی (Sovereign dept) توک ۽ 50 بلین ۽ گیش بوگ ۽ گمان آست آنت۔ پاکستان دنیا ۽ توک ۽ اے وهداں مستریں ڈب اتگیں (Bailed-out) ملک آنت۔ چیزے ماہ بیت کہ ڈالر ۽ دیم ۽ پاکستانی زر (روپیہ) چو آپ ۽ کپگ ۽ آنت۔ گوستگیں سٹے ماہ ۽ میان ۽ روپیہ ۽ بستار ڈالر ۽ دیم ۽ 50 روپیہ ۽ چہ گیش کپتگ کہ آ گیش ڈیفالٹ ۽ نیمگ ۽ روگ ۽ نشانی آنت۔ اے درگت ۽ پاکستانی شرکتاں (Company) ڈالر ۽ سر ۽ تیل زورگ ۽ واستہ بازیں جنجال دیم ۽ پیداک آنت۔

پاکستانی روزانک (economics) ۽ دگہ جیڑے ایش آنت کہ پاکستان درملکانی چمداریں ملکہ بزانیہ گیشتریں بنکی ساز ۽ سامان آئی ۽ چہ درملکاں لوٹائینگ لوٹ آنت۔ پاکستان گوستگیں بازیں وهد بیت کہ باپاری تاوان (Trade Deficit) ۽ توک ۽ آنت۔ چوشکہ 130 بلین ۽ چہ گیش وام زرتگ یے ۽ نوں اے وام روچ پہ روچ گیش بوان آنت۔ ہرچ ملکہ ۽ روزانک (economics) ۽ تہ ۽ برآوری (Export) ۽ یک مزنیں کردے آست آنت بلئے پاکستان ۽ ہمک سالی آمدنی برآوری 88.1 بلین آنت، کہ ایش پاکستان ۽ لوٹاں سرجم کت کنگ ۽ نہ آنت۔ ۽ پاکستان ۽ بجٹ ۽ تاوان ہمک سال گیش بوان آنت۔ ۽ دومی نیمگ ۽ پاکستان ۽ ٹیکس ریشو ۽ روزیگی زرکاری (Economic Investment) کہ چہ دری ملک ۽ شرکتانی نیمگ ۽ کنگ بیت آنت، نہ بوگ ۽ برابر آنت ۽ ناسلامتی ۽ جیڑہ ۽ سوب ۽ چین ۽ را ہم وتی زرکاری ۽ ترس ہست آنت، پمیشکہ دومی ملک ۽ شرکت تان ہما وهد ۽ اد ۽ زرکاری نہ کن آنت تا کہ آیانی سرجمیں سلامتی ۽ بیسہ زورگ نہ بیت، ۽ ہاس پاکستان ۽ زورگپتگیں بلوچستان کہ پاکستان ۽ گولڈ ریجن ۽ زمین ۽ 44% آنت، بلئے بلوچ راجی زرمبشت ۽ سیلاہ بندیں جہد ۽ سوب ۽ اوشت ۽ اماچ آنت۔ اے روزیگی نزوریانی سوب ۽ ملک ۽ توک ۽ وردنی تنگی، آپ ۽ کمی، بے توانی ۽ نا واندگی ۽ ڈولیں بُنکی جیڑہ گیش بنت کہ ایشانی سوب ۽ ملک ۽ توک ۽ سیاسی جاورہال نگیگ بوت کن آنت۔ پاکستان ۽ روزانک گوں آئی ایم ایف، ورلڈ بینک ۽ دومی ادارہاں بندوک آنت کہ آیانی وتی پائیدگ آست آنت کہ آ روزانک پہ آجوتی ۽ نیل آنت، ہمے رنگ ۽ پاکستان کجام وهدے کہ امریکہ ۽ وڑیں ملکہ ۽ ہلاپ ۽ پاد بنیت گڑا آئی روزانک ۽ چیزے روچ ۽ تہ ۽ ڈیفالٹ کنائینت کنت۔

سیاسی عدم استحکام

کجام ہم ملکہ ۽ روزیگی، سیاسی، چاگردی ۽ زانشتی دیمروی ۽ واستہ یک شریں سیاسی استحکامے ۽ درکار آنت۔ ملک چون ۽ چہ پیم جنزینگی آنت، دیمروی ۽ گہتری ۽ آرگ ۽ واستہ جہد کنگ، ملکی روزانک ۽ سمالگ ۽ شریں سیاسی ۽ روزیگی چاگردے ۽ دیگ ۽ زمہ داری یک شریں

سیاسی راہنڈے ۽ کار ائت۔ کجام اوں ملکہ ۽ توک ۽ سیاسی مہکمے ۽ پُہتگیں سیاست مہ بیت گڑا املک ۽ ہچ رنگیں ادارہ شریں وڑے ۽ جُنزات نہ کنت ائت۔ پاکستان ۽ روزانکہ ۽ ڈول ۽ آئی ۽ سیاسی مہکمے اوں ہنوگیں وھداں سک تباہ ائت۔ دنیا ۽ تہ ۽ وھدے کہ ملکہ ووٹ بنت ۽ ووٹاں باج ۽ یک پارٹی یے بارت ۽ دیم ۽ کیت ۽ ہاکمی کنت گڑا دومی ووٹاں کپتگیں پارٹی وتی بے سوبی ۽ مں ائت ۽ دیمتر ۽ ہاتر ۽ وتی پارٹیانی گہتر کنگ ۽ جُہد ۽ کن ائت، بلئے پاکستان ۽ توک ۽ چوش نہ ائت، ہمک وھد کہ ووٹ بیت گڑا ووٹ ۽ کپتگیں پارٹی، باج برتگیں پارٹی ۽ کیل کنگ ۽ ہتام ۽ جنت ۽ سرکار ۽ ہلاپ ۽ زہرشانی، روانک ۽ مچی ۽ اڈ دیگ بندات کنت، چہ ایشی ۽ سوب ۽ پاکستان ۽ توک ۽ کدی ہم سیاسی استحکام نہ اتکگ۔

دومی نیمگ ۽ پاکستانی پئوج کہ چہ اسٹیٹشمنٹ ۽ نام ۽ زانگ بیت آئی ۽ کدی نہ لوٹ ایتگ کہ پاکستان ۽ سیاسی پارٹی مہکم بہ بنت ۽ اے ملکہ ملکہ تاکت چہ پئوج ۽ دست ۽ در بیٹ ۽ سیاسی پارٹی نی دست ۽ بہ روت ائت۔ 2018 ۽ وھدے عمران خان پاکستانی پئوج ۽ پشت پناہی ۽ ووٹ ۽ کٹ ایت ۽ دیم ۽ کیت ائت گڑا پاکستان ۽ مزنیں سیاسی پارٹی (پاکستان پیپلز پارٹی، مسلم لیگ ن، جمعیت علماء اسلام، بلوچستان عوامی پارٹی، بلوچستان نیشنل پارٹی، عوامی نیشنل پارٹی) گوں دگہ لہتیں کسانیں پارٹیاں یکجاہ بنت ۽ عمران خان ۽ ہلاپ ۽ سیاسی جُنز چست کن ائت۔ چوشکہ عمران خان ۽ پئوج ۽ کمک گوں بیت، گڑا اتاں یک مزنیں مُدتے ۽ ملکہ مزن وزیر ۽ اُگدہ ۽ سر ۽ نند ایت، بلئے 2021 ۽ پاکستانی پئوج ۽ عمران خان ۽ میان ۽ سیادی سید ائت ۽ ناوش بنت۔ آیانی سیادیانی ناوشی ۽ سوب چہ ڈی جی آئی ایس آئی ۽ ہنوگیں آئی ایس آئی ۽ سر مستری ۽ گچینی ۽ سر ۽ بیت کہ چہ پئوج ۽ نیمگ ۽ جنرل ندیم انجم آئی ایس آئی ۽ سرمستر زورگ بیت ۽ چہ پئوج ۽ نیمگ ۽ ڈاہ کاگد (notification) ہم شنگ کنگ بیت، بلئے عمران خان اے پیسلہ ۽ ہلاپ ۽ پاد کیت کہ جنرل فیض انگت چیزے وھد گیش آئی ایس آئی ۽ سروکی ۽ جاہ ۽ بہ بیت۔ چہ ہمد ۽ عمران خان ۽ پئوج ۽ میان ۽ آیانی سیادیانی ناوشی بندات بیت ائت۔ دومی نیمگ ۽ عمران خان روکیت (west) ۽ ہلاپ ۽ گامے چست کنت ۽ یورپی ملکانی سر ۽ درشان دیم ۽ آرگ بندات کنت، چوشکہ پاکستانی پئوج ۽ گوں بازیں روکیتی ملکاں شریں سیادی اُست ۽ گیشتریں پئوجی جنرلانی متاہ ہم ہمود ۽ ایر ائت، گڑا چہ اد ۽ روکیتی ٹولی اوں گیش دیم ۽ کیت ائت۔ ہمے پی ڈی ایم کہ پئوج ۽ جنرل باجوہ ۽ ہلاپ ۽ جوڑ کنگ بیت ائت، جنرل باجوہ ہمے ہمسنتی ۽ گوما نزیکی بندات کنت۔ بازیں تجزیہ کارانی گُشگ ائت کہ جنرل باجوہ سیاسی جیڑہانی تہ دور کنگ ۽ گوں گُسر ۽ ہمے ماراگ کہ اگاں پئوج ہمے رنگ ۽ سیاست ۽ تہ ۽ وتی دزمانجی آن یلا مہ کنت گڑا وامی کینگ گیش بنت ائت ۽ ملکہ ۽ توک ۽ گس جنگی ۽ ہوار پئوج ۽ جند ۽ توک ۽ ہم یکے دومی ۽ ہلاپ ۽ ٹولی بازی ۽ بندات بوگ ۽ گمان پیداک بنت۔

اے چیزانی مارگ ۽ پد پئوج ۽ سرمستر ۽ کوشست کنگ کہ پئوج ۽ چہ سیاست ۽ دور بہ دار آن، بلئے گیشتریں سیاسی گواس اے گپانی سر ۽ باور نہ کن ائت ۽ ہمے گُش ائت کہ پئوج ۽ جند ۽ تہ ۽ توکی جیڑہ ۽ جنجالانی سوب ۽ عمران خان ۽ کمک چہ عمران خان ۽ شتگ۔ وھدے کہ پئوج ۽ کمک چہ عمران خان ۽ سیدایت ۽ پی ڈی ایم ۽ نیمگ ۽ روت ۽ عمران خان ۽ ہلاپ ۽ No-Confidence movement سوبمند بیت گڑا عمران خان بازیں معاملاتانی سر ۽ پئوج ۽ بلیک میل کنگ ۽ واستہ بازیں چیریں راز ۽ دنیا ۽ دیم ۽ پد کنت، چوشکہ آمیدگس ۽ قرار دادانی پاس کنگ ۽ واستہ چیریں ادارہانی وسیلہ ۽ مردماں آرگ، یک مزن وزیر ۽ بستار ۽ تاکت نہ بوگ،

بزبانہ ہکی ئیں تاکت پئوج ء دست ء بوگ ۔ پاکستان امریکہ ء دست ء چینکس بلیک میل انت کہ امریکہ اگاں بہ لوٹ ایت آئی ء یک نوکرے پاکستان ء مزین وزیر ء گوں چوشیں ترندیں زبانی ء ہبر دات کنت کہ ابید چہ امریکہ ء زاءتو روس ء روگ ء پیسلہ چون کنگ؟

ہمے رنگ ء پاکستان ء فیک آشوبی بزبانہ پی ڈی ایم بستان ء کہ پاکستانی سیاست ء تہ پئوج ء سائمندی ء کم کنگ ء جہد کنگ ہاتر ء دیم ء کیت انت بلئے وھدے کہ آیاں موہ رس ایت گڑا پئوج ء پاداں کپ انت ء عمران خان ء چہ سرکار ء کش انت ء وت ہاکمی کن انت۔ ہمے رنگ ء گوستگیں آئی ایس آئی ء سرمستر ظہیر الاسلام ء درشانے ہم دیم ء کیت انت کہ ما پی ٹی آئی دیم ء اورت ،کمک کت کہ آ پاکستان ء توک ء اے گوچلیں (کرپٹیں) سیاست دانا نی دیم ء بہ دار ایت ء ملک ء توک ء ایشانی کرپشن ء بند بہ کنت ۔ چرائی ء اے درشان ء ہمے پڈر بیت کہ پاکستان ء سیاست ء ڈور کئے دست ء انت ء کجام وھد کہ بہ لوٹ ایت ہما وھد ء سرکار ء بدل کت کنت۔

اے سیاسی چست ء ایرانی تہ دگہ نوکی یے اے گندگ بوگ ء انت کہ چہ پاکستانی لس مہلوک ء نیمگ ء آئی ء پئوج ء ہلاپ ء یک مزین کینگے گندگ بوگ ء انت، چہ ایشی ء ہمے پڈر بیت کہ اگاں پئوج ء دیم ء سیاست ء توک ء مزین دزمانجی ء کوشست کت ء آئی ء ہلاپ ء چہ سیاسی پارٹیاں راہشونے در اتک، گڑا پاکستانی لس مہلوک ء کمکے آئی ء رس ات کنت۔ پاکستان ء سیاسی ناتپاکی ء جیڑہ ء جنجالانی سوب ء ملک ء روزانک سک باز پُشت ء روگ ء انت ء اگاں دگہ یک ء دو ماہانی تہ آئی ء چہ دومی ملکاں مالی کمک مہ رس ایت، گڑا پاکستان پرشت ء پروشے ء نیمگ ء شت کنت۔ ہمے رنگ ء کجام ہم ملکے ء سماجی زندمان ء بگر دان آئی ء روزیگی ء جاگردی زندمان ء ملک ء سیاسی استحکام باز ارزشت دار ایت۔

ہمے رنگ ء ما گندگ ء این کہ ٹی ایل پی کہ پاکستانی آئی ایس آئی ء وتی اڈ داتگیں پراجکٹے ات، چیزے مدت بیت کہ آپاکستانی سیاست ء تہ شدت پسندی ء گیش کنگ ء انت۔ ناموس ء رسالت ء سر ء سیاست کنگ ء سوب ء پاکستان ء وڑیں پھکیں مذہبی جاگردے ء آئی سیاست ء را گیش موہ رسگ ء انت ء گیشا گیش مردم آئی ء نیمگ ء روگ ء انت۔ ہمے رنگ ء گوستگیں عمران خان ء سرکار ء میان ء ٹی ایل پی بزبانہ تحریک لیبیک پاکستان ء چار رند ء گیش اسنان ء را وتی لوٹ (demand) آئی مٹارینگ ء لاچار کتگ۔ پاکستان ء سیاسی بے استحکامی ء سوب ء ملک ء توک ء انتہا پسندی گیش بوگ ء انت، چہ ء کہ سرجمیں سیاسی پارٹیا نی بستان روچ پہ روچ تباہ بوان انت۔ پاکستان ء ہچ ادارہ وتی جاگہ ء شر کار کنگ ء نہ انت ۔ پاکستان ء اھوالکار سیاسی پارٹیا نی کاسگ چٹ جوڑ بوتگ انت، عدلیہ کہ ملک ء چلائینگ ء تہ مزین کردے ادا کنت سرجم ء پئوج ء دست ء انت ء پئوج ء گشگ ء بنیات ء وتی پیسلہ ء کنت انت کہ آئی ء مستریں درور ہنوگیں پنجاب مزین وزیر ء ووٹاں پد پنجاب آمیدگس ء سروزیری ء واستہ حمزہ شہباز (گوستگیں پنجاب مزین وزیر) ء پرویز الہی (پنجاب ء مزین وزیر) ء میان ء ووٹ بہ بیت کہ کورٹ ء وتی چند ء داتگیں گوستگیں پیسلہ کہ پارٹی سروک ء منشا ء ہلاپ ء داتگیں ووٹ ہساب نہ بیت انت، آئی ء واپس زوریت ء پرویز الہی ء ہک ء ووٹ دنت انت۔ زانگ بہ بیت کہ عمران خان ء 27 ایم پی اے ء پنجاب آمیدگس ء آئی ء پارٹی ء ہلاپ ء ووٹ داتگ ات کہ آئی ء پد پی ٹی آئی سپریم کورٹ ء شتگ ات ء ہمے پیسلہ کنگ بوتگ ات کہ پارٹی سروک ء منشا ء ووٹ ہساب بنت انت، آئی پیسلہ ء ہلاپ ء داتگیں ووٹ ہساب نہ بنت انت۔ چوشکہ شجاعت حسین الہی)

ق لیگ) ۽ سروڪ انت ۽ آئی ۽ حمزه ۽ بڪ ۽ ووٽ ڪنگ ۽ واسٽه گشتگ آت، بلئے (ق لیگ) ۽ آمیدگسی راهشون پرویز الہی انت کہ وت چه پی ٹی آئی ۽ نیمگ ۽ مزن وزیر ۽ واسٽه دیم ۽ اتکگ آت۔ چه اے وڑیں پیسلہاں پد زانگ بیت کہ پاکستان ۽ عدلیہ وتی توک ۽ وت آزات نہ انت۔

پاکستانی سیاست ۽ پئوج

چه پاکستانی پئوج ۽ سیاسی لیڈرشپ ۽ نیمگ ۽ پدا یک نوکیں جنگے بندات ڪنگ بوتگ، بلئے اے رند ۽ جنگ گون نواز شریف ۽ زرداری ۽ بوگ ۽ نہ انت، بگندئے اے رندی نیں جنگ چه پاکستانی پئوج ۽ جند ۽ کمک ۽ اتکگیں گوستگیں عمران خان ۽ سرڪار ۽ گوما بوگ ۽ انت۔ پاکستانی پئوج ۽ واسٽه اے نوکیں چیزے نہ انت، بگندئے پاکستان ۽ جوڑ بوگ ۽ گون پاکستانی سیاست دان ۽ پئوج ۽ میان ۽ وتی وتی پائیدگ ۽ باز جاگہ ۽ جمہوریت ۽ تاکت ۽ واک ۽ سر ۽ جنگ بوان ۽ آیان انت بلئے ما ہنوگیں جنگ ۽ سو باں سرپد بوگ ۽ جہد ۽ کن این۔ ہنوگیں جنگ چه 25 اکتوبر 2021 ۽ وھدان بندات بیت کہ وھدے عمران خان ۽ ڈاھ کاگد (notification) ۽ دزرند ۽ پیسر، چه آئی ایس پی آر ۽ نیمگ ۽ جنرل ندیم انجم آئی ایس آئی ۽ سر مستر (چیف) نامینگ بیت انت، اے عمران خان ۽ واسٽه یک مزنیں رزوائی یے بیت کہ چه مزن وزیر ۽ دزرند ۽ پیسر آئی ایس پی آر ۽ نیمگ ۽ درشان دیم ۽ کیت انت ۽ اے میان ۽ افغانستان ۽ سرڪاری بدلی ۽ وھد نوک بیت انت، پمیشکہ عمران خان وتی دوستیگیں جنرل، جنرل فیض ۽ آئی ایس آئی ۽ سرمستر دارگ لوٹ ایت، چوشکہ آئی ایس آئی پاکستان ۽ تہ ۽ زورتریں چیریں ادارہ انت، دومی جنرل باجوه ۽ دگہ لہتیں جنرل ہمے مارایت کہ عمران خان پئوج ۽ تہ ۽ وتی لابی جوڑ ڪنگ لوٹگ ۽ انت، چوشکہ پئوج ۽ واسٽه اے سک مزنیں تاونے بیت انت، اگاں پئوج ۽ تہ ۽ سیاسی ٹولی بازی بندات بہ بیت گڑا زوت پئوج وتی تہ ۽ پرشت ۽ پروش ۽ آماچ بیت انت۔

دومی نیمگ ۽ عمران خان ۽ واسٽه جنرل فیض اے واسٽه اہم انت کہ 2017 ۽ نواز شریف ۽ سرڪار ۽ ہلاپ ۽ پندل ۽ ہاسیں کردار جنرل فیض نیگ انت، ہمے رنگ ۽ 2014 ۽ عمران خان ۽ جلسہ ۽ پشت ۽ ہم پئوج ۽ توک ۽ جنرل فیض بیت انت، اے بنیات ۽ پہ عمران خان ۽ جنرل فیض ہاس بیت ۽ آ نزدیک بنت۔ چوشکہ جنرل فیض ہم وتی سیادیاں عمران خان ۽ گوما جوان کنت کہ نومبر ۽ وھدے کہ نوکیں پئوجی سرمستری (Army chief) ۽ گچینی کہ بیت گڑا عمران خان پہ پئوجی سروکی ۽ جنرل فیض ۽ کمک بہ کنت۔ ہنون پئوجی سرمستری ۽ ریس ۽ توک ۽ پنج جنرل انت کہ سیمی پوزیشن جنرل فیض نیگ انت۔ بلئے جنرل باجوه اے سرجمیں جاور ہالاں سرپد بیت ۽ زوت فیض ۽ چه آئی ایس آئی ۽ سرمستری ۽ کش ایت، ہمے رنگ ۽ عمران خان ۽ دگہ نزیکیں جنرلاں چه یکے جنرل آصف غفور بیت، آئی ۽ ہم چه ڈی جی آئی ایس پی آر ۽ در کنت ۽ نوکیں بے پلوداریں (neutral) جنرلے ڈی جی آئی ایس پی آر کنت (بے پلوداری ۽ بزانت ۽ ما ہمے وڑ کارمرز کن این کہ آئی ۽ باقاعدہ سیاسی پارٹیاں گوما سیادی مہ بیت) پاکستانی پئوج ملکی سرڪار ۽ ہلائینگ ۽ آئی ۽ راہبند ۽ مہار ۽ وتی دست ۽ ڪنگ لوٹ ایت بلئے وتی تہ ۽ پرشت ۽ پروش ۽ سیاسی پارٹیاں ٹولی بازی ۽ اوپار نہ کنت۔ چوشکہ جنرل فیض ۽ پئوجی سرمستری ۽ سر ۽ پاکستان ۽ دومی دراہیں مزنیں پارٹیاں اھتلاپ بیت، پرچا کہ آجنرل فیض ۽ عمران خان ۽ نزیکیں مردمے سرپد بنت ۽ اے پارٹی پئوج ۽ وتی موقف ۽ سر کن انت۔ ہمے رنگ ۽ گڑا جنرل

فیض ء را آرمی چیف ء کرسی ء سر نہ بوگ ء واستہ اے دراہیں سرکاری بدلی دیمء کیت انت۔ پدا چہ عمران خان ء روکیت ہلاپء پلان یا چہ درشانء روکیت ہم وش نہ بیت ء پاکستان وڑیں سیاسی ء روزیگی بنیات ء اسرائیں (Depended) ملکے ء کرء اینکس ہمت نیست انت کہ روکیت ء پریشر ء اوپار کت بہ کنت انت۔ ہمیشکہ چہ پئوج ء بے "پلوداریں ٹولی" ء روکیت ء بازیں سپار تکار انی یکجاہی ء عمران خان کشنگ ء پدا ہور بندیں سرکارے دیمء کیت انت۔

بلئے عمران خان ء تمء ہاسیں سیاسی زانت ء پُہتگی نیست انت، ہمیشکہ گمان است انت کہ چہ ایش ء پدا بازیں چیریں ہالان مہلوک ء دیمء پدّر کت کنت۔ چوشکہ 'مزن وزیر من بوتگ آن بلئے ہگم دگہ مردمان داتگ انت، من چہ اہوالان بازیں چیز دیستگ ء سرید بوتگ آن۔ ملک امریکہ ء گلام انت، آ ہرچی کش ایت، اے ہما وڑ کن انت۔ پاکستان ء را آزاتیں دری پالیسی نیست انت! اے لہتیں انچیں ہبر انت کہ پیسر ء شریں سیاسی مردمان زانتگ انت، بلئے نوں ہمک عام ء ہاس سرید بیت کہ پاکستان ء تمء سرکارانی بستارچے انت۔ آئی ء مستریں درور ایش انت کہ پاکستان ء گوستگیں شش سال ء یک پئوجی جنر لے مٹ نہ بوتگ ء ملکی مزن وزیر چہ پنچ ء گیش مٹ کنگ بوتگ، چہ ادء زانگ بیت کہ پاکستان ء سیاسی پارٹی ء سرکاری بستار چے انت؟

سیکورٹی جیڑہ

ہنوگیں و ہدء پاکستان سک باز سیکورٹی ٹوک (challenges) آنی دیمپان انت، یک نیمگے ملک ء تہی سیکورٹی جیڑہ ء دومی نیمگے دری سلامتی ء جیڑہ کہ پاکستان ء دراہیں سیمسرانی سرء آئی ء پئوج جتائیں جیڑہ ء جنجالانی دیمپان انت۔ اگان ما ملک ء تہی سیکورٹی جیڑہا نی سرء گپ بہ کن این گڑا چہ ہمے زوتیں سیاسی جیڑہاں پدا بازیں جاگہاں سیاسی زہر شانی ء روانک ترندی ء تمء بدل بوگ ء گندگ پیداک انت، چوشکہ 25 مئی ء پی ٹی آئی ء لانگ مارچ ء تشدد بہ بیت یا ہنوگیں کریک ڈاؤن ء گپ بہ بیت، چہ ادء ہمے زانگ بوگ ء انت کہ پئوج ء ہلاپ ء چست بوؤکیں سوچ کجام اوں و ہدءے سیاسی زہر شانیانی نیمگے شت کن انت۔ ہمے رنگ ء سندھ ء تمء ہمے زوتان دیمء اتکگیں سندھی ء پشتونا نی جنگ بہ بیت کہ پولیس ء سیکورٹی لشکر بے وس گندگ بوتگ انت کہ اے دوئیں راجانی میان ء جنگ ء داشت کت بہ کن انت، ہمیشکہ اے جنگ ء یک سک مزنیں رنگے زرت ء سندھ ء بازیں کساسے ء پشتون ء پشتون دمگان بازیں کساسے ء سندھی جنگ ء گلینگ بوت انت۔

ہمے رنگ ء ما گندایں کہ بلوچ ء شہری گوریلا جنگ (Urban Guerrilla Warfare) ء ہم پہ پاکستان ء بازیں جیڑہ ء جنجال پیداک کتگ، چوشکہ پیسر ء پاکستان ء یک مزنیں کساسے ء بلوچ ء شہری گوریلا جنگ نزور کتگ ات، چریشی ء چہ دژمن ء شہر وتی دست ء کت انت ء پدا پولیس ء وڑیں لشکر دیمء اورت انت بلئے چیزے و ہد بیت کہ بلوچ جنگ ء تمء نوکیں ترندی ء سوب ء شہری جنگ ء تم ء ہم نوکی ء ترندی اتکگ، گون ایشی ء پاکستان ء تہی سیکورٹی ء واکدار مزنیں ترسے ء تمء کپتگ۔ چہ بلوچ سرمچارانی نیمگے زیارت ء یک پاکستانی پئوجی کرنلے ء آوار جنگ ء مُردار کنگ ء پدا چہ سی ٹی ڈی ء نیمگ ء وتی دراہیں آفیسر گُشگ بوتگ انت کہ ابیدء مہکمیں سکیورٹی ء وتی زاتی کارانی ہاتر ء ہم در میا ات۔ ہمے رنگ ء کراچی، خضدار، کوئٹہ،

کیچ، حب ء گوادر ء ہوار بلوچستان ء گیشتریں مزنیں شہرانی تہء بلوچ ء جنگ ء یک نوکیں رنگے زرتگ۔چہ دومی نیمگء اے ہم گندگ بوگ ء انت کہ چہ بلوچ راج ء نیمگ ء ہم مہلوکی گہگیری ء تہء روچ پہ روچ ترندی پیداک انت ء مہلوک پاکستانی لشکر ء زلم ء زوراکسانی ہلاپ ء پادآہان انت۔

دومی نیمگ ء ما پنجاب ء کراچی ء تہء ٹی ایل پی ء مہمکی ء مذہبی انتہا پسندی ء یک نوکیں رنگے ہم گندگ ء انت۔ چہ گوستگیں سال ء بازیں وئیلاں اے دیم ء اتکگ کہ پاکستان آئی ء دیم ء لاچار انت، چوشکہ یکبرے آئی ء سرء بندش جنگ بوت بلئے پدا آئی ء سرء جنگیں بندش ہلاس کنگ بوت انت۔ پنجاب ء تہء ہنوگیں وهد ء یک نوکیں سیکورٹی ٹوکے جوڑ بوتگ کہ پاکستان ء بازیں لبرل ء ڈیموکریٹک لیکہ ء مردم تکانسر انت کہ ٹی ایل پی اوکیں وهدءپہ اے استان ء یک مزنیں دردرے جوڑ بیت۔ بلئے ادء اے گپ زانگ بہ بیت کہ پاکستان ء مزنیں مین اسٹریم پارٹی بہ بنت یا کہ مذہبی انتہا پسندیں ٹولی ایشانی دیم ء آروک پاکستانی پئوج ء آئی ایس آئی ء جند انت، بلئے وهدے کہ آ سیاست ء توک ء کاپنت، مہلوکی تاکت ء واہند بنت گڑا پئوج ء آئی ایس آئی ٹوک گت ء وتی جنائیں راہے گپت کن انت۔

عمران خان، نواز شریف، آصف زرداری یا ایشانی پارٹی ہم بندتء پئوج ء جندء ایر گپتگیں انت، بلئے وهدے کہ ایشاں تاکت ء سرکاری واک رس انت گڑا ایشاں چہ پئوج ء جوابدہ بوگ ء دراہگ ء جہد کنگ، پہ درور اے وهداں ما پی ٹی آئی ء گندگ ء این۔ یک دگہ مزنیں تہی سیکورٹی ء جیڑہے ہنوں کے پی کے ء ایدگہ تمنی الاکہاں گندگ بوگ ء انت۔ یک نیمگے پاکستان گوں ٹی ٹی پی ء گپ ء گال کنگ ء انت ء دومی نیمگ ء اے ہم گندگ بوگ ء انت کہ ٹی ٹی پی ء یک رندے پدایک نوک ء مہمکیں دمگے گپتگ، چوشکہ سوات ء وزیرستان ء بازیں الاکہاں ٹی ٹی پی دویر اتکگ، اودء کسانیں ٹھیکداراں بگر داں پی ٹی آئی ء دومی مزنیں مردمان ٹیکس گرگ ء انت۔ اے درگت ء اے وهداں وزیرستان ء یک مزنیں زہرسانی یے اوں جُزگ ء انت۔

ءدومی نیمگ ء مادری سکیورٹی ء گپ ء بہ کن این گڑا چیزے وهد پیسر پاکستان اے سرپد بوگ ء ات کہ افغانستان ء نوکیں سرکار ء آہگ بزانیہ طالبان ء سرکار ء آہگ پاکستان ء پائیدگء روت انت، بزانیہ ٹی ٹی پی ء بلوچ جنگولیں ٹولی افغانستان ء جاگہ دیگ نہ بنت بلئے مارا ہمے گندگ بوگ ء انت کہ تنے وهدئے چہ طالبان سرکار ء نیمگ ء بلوچ ء ٹی ٹی پی دوئیانی ہلاپ ء مزنیں آپریشن کنگ نہ بوتگ، ہمے رنگ ء دومی نیمگ ء ما گندایں کہ ہمک ماہ پاکستانی پئوج ء طالبان لشکر ء میان ء آیانی سیمسرانی سرء جنگ بوگ ء انت۔ چوشکہ طالبان یک سینٹرل ڈیموکریٹک سرکارے نہ انت، آئی ء بازیں ٹولی است انت کہ سک باز پاکستان ء ہلاپ انت ء دومی ہما کہ نیشنلسٹ طالبان است انت آ ہم پاکستان ء ہلاپ انت کہ آ پاکستان ء پشتونا نی ہلاپ ء زالمیں استان ء آئی ء را امریکہ ء کمارے سرپد بنت۔

ایشاں ہوار پاکستان ء گوں ایرانی سیمسراں ہم سکیورٹی ء جیڑہ است انت، وتی سیمسرء چہ ٹٹ کنگ ء ابید پاکستان ء گوں ایرانی سیمسراں جیڑہ است انت۔ ء گوستگیں چیزے وهد انت کہ چہ بلوچ سیلاہ بندانی نیمگ ء پاکستان ء ہلاپ ہرچ مزنیں کارے کہ بوتگ، پاکستان ء آئی ء بُہتام ایران ء سرء جتگ۔ بلئے چوشکہ پاکستان ہنوں اے جاور ء تہء نہ انت کہ ایران ء گوما دگہ مزنیں جنگ ء چوپ یا دژمنی ء نیمگ ء بہ روت انت، ہمیشکہ سرکاری بستار ء آ ہاموش انت۔ ء پاکستان

۽ سیمی دژمن بزانه انڈیا ۽ گوما آئی ۽ سکیورٹی ۽ جیڑہ مدام بوتگ ۽ آست آنت ۔ ہمے رنگ ۽ ما گندایں کہ ہندوستان ۽ توک ۽ کشمیر ۽ جنگ ۽ ہم پاکستان ۽ را یک مزین تاونے داتگ کہ پاکستان ۽ چہ کشمیری جنگولاں انچیں امیت داشتگ کہ آیاں پیلو کت نہ کتگ آنت، چوشکہ طالبان حقانی نیٹورک ۽ افغانستان ۽ توک ۽ کتگ۔ چین ۽ ہم ہنوگیں لہتیں وئیلاں رند پاکستان ۽ سر۽ بیسہ دارگ یلا کتگ ۽ چہ پاکستان ۽ لوٹ کنگ ۽ آنت کہ آچینی سلامتی ۽ لشکر۽ پاکستان ۽ توک ۽ موکل بہ دنت کہ آوتی جند۽ مردماں سیکورٹی بہ دنت ۔

دگہ یک چیزے زانگ بہ بیت کہ پاکستان ۽ 2008 ء، 1973 ء وھدے کہ یک مزین کساسے ۽ آپریشن کتگ ۽ چہ وتی بمب ۽ توپاں ایردستانی سر۽ تباہی آورتگ گڑا آ جنگاں پاکستان ۽ را امریکہ ۽ بازکمک کتگ، بزانه پہ جنگ ۽ ہاتر۽ جنگی ساز ۽ سامان ۽ ڈالر چہ امریکہ ۽ اتکگ آنت ۽ بلوچا نی ہلاپ ۽ ہم امریکی سیلاہ ۽ روزانک (economics) کارمرز کنگ بوتگ انت، بلئے چیزے وھد آنت کہ امریکہ ۽ پاکستان ۽ جنگی کمک یلا کتگ، چوشکہ امریکہ ۽ را ہنوں گوں پاکستان ۽ ہاسیں پائیدگے نیست آنت۔ اے وھد۽ پاکستان گوں بلوچ جنگول ۽ کے پی کے ۽ تہ ۽ ٹی ٹی پی ۽ مہکمیں ٹولیاں مزین جنگ کت نہ کنت، چے کہ آئی ۽ کر۽ چوشیں معیشت نیست آنت۔ بگندئے چہ گوستگیں دو سالوں پاکستان ۽ وتی پئوجی سپاہی آئی پگار ہم گیش کت نہ کتگ۔ ہنوں پاکستان چہ تنگیں روزانک ۽ سوب۽ بازیں سکیورٹی جنجالانی دیمپان آنت۔

آسر:

چہ اے جیڑہ ۽ جنجالانی سر۽ گپ ۽ گال۽ پد ما اے آسر۽ سر بنیں کہ پاکستان اے وھدان یک نزوریں جاورے تہ آنت۔ آئی تہ۔ یک نیمگے سیاسی استحکام تباہ آنت ۽ اود۽ گس جنگی ۽ جاورے جوڑ بوتگ، ہمے رنگ ۽ ما پاکستانی روزانک ۽ ہم گندگ۽ این کہ آ تباہ آنت ۽ ڈیپالٹ ۽ نیمگ ۽ شت کنت آنت۔ آگان پاکستان ۽ آئی ایم ایف ۽ کمک مہ رسیت گڑا پاکستان زوتازوت روزیگی (معاشی) بستار۽ ڈیپالٹ کنت آنت، ہمے رنگ ۽ ما گندایں کہ پاکستان ۽ توک ۽ سیکورٹی جیڑہ روچ پہ روچ گیش بوان آنت۔ بلوچ راجی جہد ۽ ہنوگیں ترندی۽ ہم پاکستان ۽ را یک مزین ترسے ۽ تہ دور داتگ ۽ بلوچ ۽ نوکیں جنگی ریک ۽ پالیسیاں پاکستان ۽ را مزین تاونے ۽ تہ دور داتگ ۽ پاکستان ۽ تہ مزین راہشونانی ہبرچوش دیم ۽ آہگ ۽ آنت کہ بلوچستان بنگلادیش ۽ پیم ۽ چہ پاکستان ۽ زوت آزات بیت آنت، ہمیشکہ پاکستان ۽ بلوچ ۽ چکچینی ۽ تہ یک نوکیں ترندی یے آورتگ کہ آ اے زرمبشت۽ دیم ۽ بہ داریت ۽ مئے مہلوک۽ تہ یک ترس۽ چاگردے جوڑ بہ کنت کہ آئی ۽ جوڑ کنگ ۽ کوشست۽ چہ وتی ایردستی ۽ بنداتی روچاں کنگ ۽ آنت۔

ہمے رنگ ۽ ٹی ٹی پی ۽ دوہر ٹولی بازی ۽ کے پی کے ۽ تمنی الاکہانی تہ مہکم بوگ ہم پاکستان ۽ واستہ مزین جیڑہ۔ دومی نیمگ ۽ ڈنی سطح ۽ ہم ما گندایں کہ پاکستان روچ پہ روچ تنگی ۽ نیمگ ۽ روگ ۽ آنت، چوشکہ چہ روکپتی ملکانی نیمگ ۽ پاکستان ۽ یلا کنگ، دومی نیمگ ۽ چین ۽ روس ۽ وتی جتائیں ناوشی۔ چوشکہ پاکستان ۽ درملکی پالیسی آزات نہ آنت بگندئے آ دومیگانی سر۽ میلانک آنت، ہمیشکہ آئی ۽ گوں ہچ ملکہ ۽ مہکمیں سیادی یے آنت نہ کنت۔ چوشکہ آگان امریکہ ۽ گیش سنگتی۽ بہ کنت گڑاچین دلگران بیت ۽ آگان چین ۽ نیمگ۽ بہ

روت إنت گڑا امریکہ نا وش بیت، پمیشکہ پاکستان میانء اوشتاتگ ، برے یکےء لوٹاں پیلو کنت۔ اگاں ہنوں پاکستان ء را یک مزنیں جنگے بہ گپت گڑا آئیء چوشیں نژیکیں دوستیں ملکے نیست إنت کہ آئیء واستہ دیم ء بنییت إنت یا آئیء جنگ ء معاشی تاواناں پُر بہ کنت۔ ہاس ہنوگیں زوتیں روچاں پاکستانی پئوج ء میان ء ٹولی بازی ء جنگ ء چوپ ء پاکستان ء را یک مزنیں کساسے ء تاوان داتگ ء ملک ء سرء آئیء جندء مردمانی بیسہ روچ پہ روچ پُرشان إنت۔ اؤکیں چیزے ماہ پہ پاکستان ء واستہ باز ترسناک جیڑگ بوگ ء أنت کہ پئوج ء نوکیں سروکء گچینیء سرء پئوج ء توک ء یک مزنیں جنگے پاد مئییت إنت ء چہ پی ٹی آئیء نیمگ ء ہم کوشست بوگ ء إنت کہ پئوج ء را جنرل باجوه، ندیم انجم، بابر افتخار ء وڑیں جنرل کہ عمران خان ء نیمگ ء نہ أنت، بغاوت بہ پرماینت۔ ء بازیں تجزیہ کارانی گشگ إنت کہ پاکستان یک بے سوبیں استانے (Failed State) ء نیمگ ء روگ ء إنت۔